

## **REGULAMENTO PARA A ELECCIÓN DO CONSELLO DAS MAREAS**

### **ARTIGO 1. OBXECTO**

1. O presente Regulamento ten por obxecto regulamentar o proceso de elección do Consello das Mareas, contemplado no documento de Organización Interna aprobado na Marea Constituínte do 30 de Xullo de 2016.
2. O Regulamento foi elaborado pola Comisión de textos, remitido ao Consello das Mareas do día para a súa tramitación de aprobado polo Plenario de En Marea do 13 de xullo de 2019.

### **ARTIGO 2. CALENDARIO ELECTORAL**

O calendario para a elección do Consello das Mareas será o seguinte:

- Sábado 13 de xullo: Celebración do Plenario no que se aprobará o Regulamento.
- Xoves 18 de xullo, 10:00 horas: Apertura do prazo de presentación de candidaturas.
- Sábado, 20 de xullo, 23:59 horas: peche do prazo de presentación de candidaturas.
- Luns, 22 de xullo : proclamación provisional das candidaturas e apertura do prazo de 24 horas desde a súa publicación para a subsanación de erros e/ou presentación de reclamacións.
- Mércores, 24 de xullo: resolución de reclamacións por parte do Comité Electoral e proclamación definitiva de candidaturas.
- Sábado, 27 de xullo, ás 00:00 horas: Inicio da campaña electoral.
- Luns, 29 de xullo, 23:59 horas: remate da campaña electoral.
- Mércores, 31 de xullo 09:00 horas: inicio do período de votación nas eleccións ao Consello das Mareas. 22:00 horas: remate do período de votación.
- Xoves, 1 de agosto: proclamación provisional de resultados e apertura dun prazo de 24 horas para reclamacións.
- Sábado, 3 de agosto: proclamación definitiva de resultados e das persoas integrantes do Consello das Mareas.
- Sábado 9 de agosto: Constitución do Consello das Mareas.

### **ARTIGO 3. DEREITO AO VOTO**

1. Terá dereito ao voto toda persoa maior de 18 anos inscrita en EM á data do Plenario do 13 de xullo.
2. En Marea obrígase a garantir o segredo do voto e ao cumprimento da Lei Orgánica de

Protección de Datos de Carácter Persoal.

## **ARTIGO 4. CENSO**

1. O censo de votantes para Eleccións Directas Internas é o censo de EM, actualizado ate a data de peche antes da celebración do Plenario que convoca as eleccións, 5 de xullo.
2. O censo que se empregará para exercer o voto estará baixo a supervisión e control das persoas responsables conforme ao especificado pola vixente lexislación de protección de datos.

## **ARTIGO 5. CANDIDATURAS AO CONSELLO DAS MAREAS**

### **1. Requisitos para presentar unha candidatura:**

#### **a) Requisitos colectivos como candidatura:**

- 1) As candidaturas estarán conformadas como mínimo por tantas persoas como postos a cubrir (35) máis un número indeterminado de suplentes ata un máximo de 35.
- 2) As candidaturas irán ordenadas de xeito prelado e en cumprimento do criterio de xénero, segundo o sistema denominado cremalleira.
- 3) As candidaturas garantirán o equilibrio territorial de xeito que en cada tramo de 8 persoas terá que haber como mínimo 1 persoa candidata de cada unha das 4 provincias. As 3 primeiras persoas candidatas non poderán ser todas da mesma provincia. No caso de existir suplencias, aplicarase o mesmo criterio contando desde o primeiro ao trixésimo quinto posto das suplencias. Procurarase e considerarse un factor positivo da candidatura que inclúa a persoas de diferentes comarcas de cada provincia.
- 4) As candidaturas deberán estar en posesión dos avais establecidos no presente Regulamento.
- 5) As candidaturas deberán presentar xunto coa lista de candidatas un documento político que conteña unha proposta de liñas de actuación no Consello. Sempre no marco dos acordos políticos dos Plenarios e os principios da Marea Constituínte, que incluírá as liñas relativas aos traballos a desenvolver pola organización con proposta dun horizonte temporal para a súa realización.
- 6) As candidaturas presentarán xunto co resto da documentación a súa denominación e imaxe gráfica. A denominación evitará incluír o nome de calquera marea municipalista ou organización política.
- 7) As candidaturas designarán, no intre da súa presentación, unha persoa que exercerá as labores de representante xeral da mesma diante do Comité Electoral. Esta persoa será o interlocutor único co Comité Electoral e o enderezo de e-mail coa que esta persoa está

registrada en En Marea, a única canle de comunicación.

**b) Requisitos individuais das persoas candidatas:**

Para formar parte dunha candidatura as eleccións ao consello das mareas, as persoas candidatas terán que estar en posesión dos seguintes requisitos no intre de se registrar a candidatura:

- 1) Estar inscrita no censo de EM antes do 5 de xullo.
- 2) Manifestar por escrito un compromiso de cumprimento do Código Ético de En Marea, así como dos Principios e Documentos en vigor aprobados nos plenarios celebrados ate a data.
- 3) Cumprimentar o formulario de aceptación da súa inclusión na candidatura.
- 4) Asinar unha declaración xurada de non estar incurso en ningunha das causas de exclusión.
- 5) Manifestar por escrito un compromiso de renuncia a calquera cargo que sexa considerado incompatible no caso de seren electa membro do Consello das Mareas. Renuncia que terá que ser efectiva antes da constitución do Consello da Marea.

**2. Criterios de exclusión:**

**a) Criterios de exclusión das candidaturas no seu conxunto:**

- 1) Serán excluídas todas as candidaturas que non cumpran cos requisitos esixidos en todos os puntos do apartado 5.I do presente Regulamento e non subsanen en tempo e forma os erros detectados polo Comité Electoral.
- 2) Serán excluídas aquelas candidaturas cuxo documento político contradiga de xeito explícito os principios políticos de En Marea, así como o Código Ético aprobado pola Marea Constituínte do pasado 30 de Xullo de 2016, e os documentos políticos aprobados nos Plenarios. A estes efectos o Comité Electoral poderá derivar a decisión sobre este criterio ao Consello en funcións.
- 3) Serán excluídas aquelas candidaturas cuxa denominación ou imaxe gráfica conteña referencias a calquera organización política ou marea municipalista ou ao conxunto de En Marea. A estes efectos o Comité Electoral poderá derivar a decisión sobre este criterio ao Consello en funcións.

**3. Incompatibilidades:**

As incompatibilidades para formar parte do Consello das Mareas parten inescusablemente do réxime de incompatibilidades dos documentos fundacionais da asemblea do 30 de xullo en Vigo e teñen como principio reitor a máxima integración do capital humano da Marea e a súa autonomía como movemento político:

- Non poderán concorrer as eleccións para o Consello das Mareas aquelas persoas que formen parte do Comité Electoral.

- As persoas que posúan a condición a nivel autonómico, ou estatal nas organizacións nas que fose procedente, de dirección dunha organización política (secretarías xerais, portavocías ou cargos homologables) non poderán concorrer as eleccións para o Consello das Mareas, os membros das executivas, consellos e/ou coordinadoras de ditas organizacións si poderán concorrer ás eleccións ao Consello e formar parte do mesmo pero non poderán formar parte do seu órgano executivo e/ou coordinador (Coordinadora Nacional).

## **ARTIGO 6. AVAIS PARA PRESENTARSE ÁS ELECCIÓNS DO CONSELLO DAS MAREAS**

- 1) Terán a condición de avalistas todas as persoas inscritas no censo de En Marea nas condicións recollidas no presente Regulamento na data de peche de presentación de candidaturas.
- 2) Cada avalista poderá avalar unha única candidatura e non poderá formar parte, quer como titular, quer como suplente de ningunha candidatura.
- 3) Os avais deberán ser formalizados empregando o formulario oficial e entregaranse acompañados do DI da persoa avalista escaneado.
- 4) Correspóndelle ao Comité Electoral validar os avais entregados en tempo e forma segundo establece o presente Regulamento.
- 5) No caso de que o Comité Electoral detecte que unha mesma persoa avala a máis de unha candidatura, comunicarllo á representante xeral da candidatura por correo electrónico, ao tempo que se fai pública a relación de candidaturas, debendo a representante xeral corrixir o erro antes da proclamación definitiva.
- 6) Para presentar unha candidatura, deberanse reunir 75 avais (nin máis, nin menos) cun mínimo de 15 por provincia.
- 7) Os avais xunto co resto de documentación entregada polas candidaturas, serán custodiadas polo Comité Electoral.
- 8) O Comité Electoral porá a disposición de todas as inscritas os formularios oficiais correspondentes, que deberán ser presentados, logo de ser cumprimentados, a través do enderezo electrónico [eleccionconsello@enmarea.gal](mailto:eleccionconsello@enmarea.gal) dentro do prazo de presentación de candidaturas.

## **ARTIGO 7. VOTACIÓN**

1. A circunscrición para a elección do Consello das Mareas é a nacional.
2. A persoa electora deberá votar unicamente a unha das candidaturas que se presenten.
3. O voto poderá exercerse baixo dúas modalidades, presencial ou a distancia:
  - Presencial: o voto será telemático, de maneira privada ou de maneira asistida, nun

espazo adaptado a tal efecto no que se votará a través dun computador. O Comité Electoral intentará que existan mesas presentes no maior número de concellos posibles, en función da dispoñibilidade de locais. A ubicación das mesas comunicárase a través da web antes das xornadas de votación. Cada mesa contará cun mínimo de dúas persoas designadas polo Comité Electoral para garantir a limpeza do proceso e facilitar a votación, sen que en ningún caso poidan orientar de calquera xeito o sentido do voto. As persoas que desexen exercer o dereito a voto deberán acreditar a súa identidade na mesa electoral.

- A distancia: as persoas electoras que prevexan non poder exercer presencialmente o seu dereito ao voto, poderán emitilo na modalidade telemática a distancia habilitada a tal efecto.
4. A maiores das condicións de seguridade que oferta a ferramenta telemática, o Comité Electoral velará pola seguridade do proceso.
  5. Se o número de candidaturas definitivas proclamadas fora unicamente unha, a candidatura será proclamada electa sen necesidade de proceder á votación.

## **ARTIGO 8. SISTEMA DE RECONTO E PROCLAMACIÓN DO CONSELLO**

- 1) O sistema de recuento será proporcional puro entre as distintas candidaturas que concorran, de tal xeito que serán proclamadas electas as persoas que ocupen, segundo a orde da lista presentada, os postos que a cada candidatura lle correspondan conforme ao reparto proporcional puro, mediante unha regra de 3 simple, por tanto sen corrección favorecedora das listas máis votadas en detrimento das minorías, tendo en conta os ditames xa emitidos pola Comisión de Garantías e segundo a seguinte fórmula

$$\text{Representantes electos de cada candidatura} = \frac{\text{Votos válidos candidatura}}{\text{Votos válidos totais}} \times 35$$

Os representantes asignaranse cos enteiros, correspondendo o resto dos postos ás candidaturas que teñan maior parte decimal ate que se completen os 35. No caso de empate escollerase á persoa de xénero feminino, no caso de persistir, por sorteo.

- 2) O resultante desta votación deberá respectar na súa composición que cando menos 18 das súas integrantes sexan mulleres. No caso de que, conforme ao sistema de recuento, o resultado das votacións non reflecta esta composición, aplicarase un sistema de corrección do seguinte xeito: serán substituídas as últimas persoas escollidas de cada lista pertencentes ao xénero masculino pola seguinte muller da lista, tendo que comezar a corrección pola candidatura, das sobre-representadas, que obtivese un menor número de votos e a seguido polas seguintes en orde de menor a maior. Esta corrección non se aplicará se a resultante é

un meirande número de mulleres.

- 3) Os resultados provisionais serán publicados na páxina web o xoves, 1 de agosto, abríndose un prazo de 24 horas dende a publicación para as reclamacións, que serán resoltas polo Comité Electoral.
- 4) Os resultados definitivos serán proclamados en sesión pública o sábado, 3 de agosto, expedindo o Comité Electoral a credencial de nomeamento de cada unha das 35 persoas electas para o Consello das Mareas.
- 5) O Consello das Mareas reunirase en sesión constituínte o sábado 9 de agosto, as 11:00 horas.
- 6) A Coordinadora Nacional será elixida polo Consello das Mareas tendo en conta a proporcionalidade dos resultados das candidaturas presentadas ao Consello das Mareas, atendendo a criterios de paridade, eficacia e, con carácter xeral, non remuneración.
- 7) A Coordinadora Nacional distribuirá as súas responsabilidades entre os seus membros atendendo ás necesidades políticas, organizativas e comunicacionais de En Marea, tendo en conta os regulamentos de funcionamento aprobados.

## **ARTIGO 9. O COMITÉ ELECTORAL**

- 1) O Plenario escollerá un Comité Electoral integrado por 13 persoas propostas polo Consello das Mareas respectando a proporcionalidade das listas existente no mesmo e aquelas outras alternativas que se presenten. O Comité Electoral será integrado polas persoas de cada proposta en proporción pura ao número de votos obtidos e segundo a fórmula a utilizar para a elección do Consello das Mareas contemplada neste Regulamento.
- 2) As persoas que formen parte do Comité Electoral non poderán ser candidatas no proceso, nin formar parte do Consello das Mareas saínte ou da Comisión de Garantías, nin facer campaña, exercer como avalistas, solicitar o voto para ningunha candidatura ou animar á abstención ou participación. A non observación desta norma implicará a expulsión permanente desa integrante ou integrantes do Comité Electoral.
- 3) O Comité Electoral terá as seguintes atribucións durante o desenvolvemento do proceso electoral:
  - Garantir o cumprimento deste Regulamento.
  - Poñer ao dispor das persoas interesadas os formularios correspondentes para todos os trámites necesarios para o proceso.
  - Garantir a igualdade de oportunidades.
  - Aprobar e proclamar as candidaturas presentadas.
  - Resolver as distintas queixas, denuncias e irregularidades que se presenten durante o proceso. A este respecto o seu acceso ao censo debe ser coherente con este mandato, en consecuencia: O comité terá acceso ás fichas obxecto de reclamación. As persoas responsables do censo serán as encargadas de lles dar ese acceso cando proceda sempre respectando a lexislación vixente de protección de datos.

- Revisar os avais e a documentación acreditativa da identidade e residencia das persoas censadas.
  - Elaborar un documento de consideracións e recomendacións dos límites para levar a cabo a campaña electoral, que será de obrigado cumprimento por parte das candidaturas.
  - Designar e formar as persoas que actuarán como asistentes e interventoras durante o proceso de votación telemática asistida, quedando excluídas as persoas que formen parte dalgunha candidatura.
  - Validar ou anular os avais presentados.
  - Validar ou anular as candidaturas presentadas.
  - Elaborar resolucións a respecto dos conflitos e queixas que se podan producir nas inscricións, o contido dos avais e candidaturas.
  - Interpretar baleiros do presente regulamento.
  - Realizar a corrección de xénero e territorial sobre o resultado final.
- 4) O Comité Electoral adoptará as súas decisións por consenso. No caso de non existir este, por maioría de 2/3 e, de non acadarse esta, por maioría simple; tendo que quedar reflectidos en acta os resultados de cada votación.